

اسلامك نفعنه خادم مقالات
مم الت شكر قبول ونشر اولونور

يازانك شخصيتي دكل، يازينك اهميتي
نظر دقتت آليغير .

كلن يازيلردن شايان قبول كوردولنار
تاصح سيرا سيله درج ايديلير .

كوننده ريجه جك آثار ، اوقوناقلي
ومختصر جه يازيلش اولماليدر .

ديني ، علمي ، ادبي ، اجتماعي

مخمس

۱۳۳۸

جمهوری اسلامی ایران

صاحب ، مدیری ، محرری :

اداره خانه سی :
باخريد جامع ، شريفك تربيه قايي سي
قارشيسنده

مركز تويي :
باب عالي جاده سنده (اتحاد
بجارت) كتبخانه سي

آبونه بدلي :
سنة لکي ۱۰۰ غروش
آلتی آلتی ۵۰

مالك اجنييه ايچين ۲۵ غروش ضم
اولونماليدر .

آبونه قيدي معامله سي هرسته نك بونجي
وايكنجي آلتی آلتی اعتبار آ اجرا اولونور

فی: غروش
۱۰

جمادی الاولى
۱۳۴۲



جلد
۴

عدد
۴۳

عقل ایله نقلی تلفیق قانونی

بر شینک ثبوت و تحقیقه براهین عقلیه قطعیه قائم اولدقد نصکره ظواهری آنک خلافی اشعار ایدن ادله نقلیه تصادف اولندیقی تقدیرده بو خصوصده عقلاً درت احتمال بولنور .

(۱) عقل ایله نقلک مقتضاسی تصدیق اولنقی احتمالی درکه : نقیضینک تصدیقی استلزام ایلدیکی ایچون محال و باطلدر .

(۲) ایکسینک مقتضاسی رد و ابطال اولنقی احتمالی درکه : نقیضینک تکذیبی مستلزم اولدیغی جهته بوده محالدر .

(۳) ظواهر عقلیه تصدیق اولنوب براهین عقلیه قطعیه تکذیب ایدمک احتمالی درکه : اصول دین و شرعک صدق و ثبوتی عقل ایله اثبات اولندیغی جهته نقلی تصحیح ایچون عقلی تکذیب ایتمک نقلک تکذیبی استلزام ایلدیکی جهته بو احتمالده باطلدر .

معروضات سالفه ایله احتمالات مذکورده نک بطلانی تحقیق ایلدیکندن بو مقامده یالکزدردنجی بر احتمال قالمش اولور که اوده دلائل عقلیه قاطعه نک مفاد و مقتضاسی تصدیق اولنوب بو خصوصه دائر اولان دلائل نقلیه اگر صحیح ایسه ظواهری مراد شارع اولمديغه حکم اولنور ، صحیح دکلسه رد وانکار اولنور .

علمای کلامیه نک عقل ایله نقلی تلفیق خصوصده شایان وثوق واعتماد اولان قانونلری ایشته بودر . اسکلبلی : محمد عاطف

قر ، رؤیت هلال ، شهر صیام

۲

ایلك هلالک کورولسی بر مسئله مهمه شکیلی آلدیغندن بونک رؤیتله اهالیه تبلیغی زمانه کوره ،

مستلزمدر . زیرا شرعک صدقی دلیل عقلی ایله بیلینیر . دلیل عقلی نک صدقی تقرر ایتدکجه نه بی ایله متنبی نک ، نه ده صادق ایله کاذبک بیننی تقریق ممکن اوله ماز . اساساً شرع شریف عقل ایله ثابت اولدیغی حالده شرع ایله عقل نصل تکذیب اوله بیلیر (دیوولر) .

امام غزالی مزحومک رأینه کوره بو مسلک اربابی فرقه متوسطه و محقه در . فقط بونلر غایت کوچ بر مسلکله سلوک ایتشلردر . زیرا بعض امورده معقول ایله منقول بیننی تلفیق قولای ایسه ده اکثر مقامده عسیردر . اوت : علوم عقلیه ایله شرعیه ده مهارت و کماله سی بولنان بر عالم دینی ، اکثر امورده معقول ایله منقول بیننی تأویلات قریبه ایله تلفیق مقتدر اولورسه ده آنک ایچونده اوائل سورده کی حروف مقطعه کی عقلاً وجه تأویلی اصلاً ادراک اوله میان مواضعده تأویلات بعیده یه اضطرار حاصل اولور . بو ایکی نوع اشکاله معروض قالمیه جقلمی ظن ایدنلر یا محالات نظریه یی معرفتن قاصر و یاخود مطالعه اخبار و احادیثدن محروم اولانلردر .

دردنجی بر مسلکده واردرکه : آیات قرآنیه نک ناطق اولدیغی سنت صحیحه نک بیان ایلدیکی و صحابه کرام ایله تابعیندن عبارت اولان سلف امتک قبول ایتدکلی مسائل دینه ده کتاب الله ایله سنت رسول اللهک ظاهریسی اختیار و اعتقاد و سلف امتک عقیده سنی کمال قوتله اخذ و قبول ایدوب اصول عقلیه یه موافقت و مخالفته مبالات و اعتبار ایتمه مکدر . بو مسلک اربابی دلیل عقلیدن مسائل اعتقادیه استفاده ایتمک ایچون دکلده مجرد رد و الزام خصوم و زیاده اطمشان ایچون آکا اعتبار و التفات ایدرلرکه بو مسلک اربابی قدمای اهل سنتدر .

آتش یا فلق، بورو و داوول چالوق و دها صوکره
طوب، تنک آتق کی واسطه لاله اجرا ایدیه کلشدر.
فی الحقیقه شرقلیلردن کلدانیلر، آتوریلر،
مصریلر، نجی اسرائیل و بالاخره دین جلیل اسلامی
قبول ایدن عرب و تورک اقوامی هپ بو اصولاره
رعایت ایتمیشلدر. مع مافیه اسلامیت؛ اسی برعنه یه
حرمتندن دکل، محضا بر فکر عدالت پرورانه ایله
اوروج و بیراملر ایچون شهر قریه یی اساس
اتخاذ ایله مشدر.

بر شهر قری ۲۹ کون، ۱۲ ساعت، قرق درت
دقیقه و ۳ ثانیه؛ بر سنه عربیه ایسه بر غره محرم
دن دیگر غره محرمه قدر کچمش مدت اولوق اوزره
۳۵۴،۳۶۷،۶۸ کوندن عبارتدر. حالبوکه بر سنه
شمسیه ۳۶۵ کون بش ساعت ۴۶ دقیقه و ۴۹
ثانیه اولدیغندن هر ایکی سنه آراسنده اون کوندن
فضله بر فرق بولمقله اوتوز اوچ کسور ییلده بر کره
شهر رمضانک مختلف رومی آیلرینه تصادف ایلیه جکی
شبه سزددر. بوا یسه؛ بیوک بر لطف، الهی بر عدالتدن
باشقه برشی دکلدر. شویله که :

اگر اوروج طوتمق امری رومی آیلردن مثلاً
تموز ایچون شرقاقل اولسه یدی نصف کره شمالیده
ساکن اهالی اسلامیه دائمی صورتده صیجاقلرده
ویک اوزون کونلرده بوعبادتی ایفا ایدیه جک، حالبوکه
بوکا مقابل نصف کره جنوبیده کیلر بلکه ده الی یوم
القیامه صغوق هوالرده ویک قیصه ایامده بلا زحمت
اوروجلر نی طوته جقلوردی. چونکه نصف کره شمالیده
یاز حکمفرما و بناء علیه اوزون کونلر جاری ایکن
نصف کره جنوبیده عین زمانده شدید صغوقلر
ویک قیصه کونلر دوام ایدر.

بک آشکاردر که بویله رمضانده الهی بر عدالت
روغون دکلدر و کذا شهر صیام، مثلاً کانون فانی
بخش ایدلسه ایدی بودفعه ده؛ عین سبب طولانیسیله

نصف کره شمالی اهالی سنک کوردکری تسبیلاته
مقابل اوته طرفده کیلر دائمی صورتده تصعیبات
اقلیمیه قارشو سنده بولنه جقلوردی. ایشته جناب عادل
مطلق حضرتلری، امور دینه ده شهر عربیه یی
امر بیور مغله بتون سکان ارض ایچون بیوک لطف
بخش ایله مشدر که طولانیسیله اوتوز اوچ کسور
سنه طرفنده هر ایکی نصف کره ارض اهالیسی بالمناوبه
عین تسبیلاتدن مستفید اوله کلکنده درلر.

بو حال ایسه؛ دین جلیل اسلامک نه درجه لرده
حریت پرورانه و عدالتکارانه قوانین اوزرینه مؤسس
بولندیغنی اثبات ایتمکده در.

رمضان اعلانی ایچون رؤیت هلال مسئله سنه
کلنجه بونی براز تصیق ایتک ایسترز. شرع شریفجه
غره نك، یعنی آی باشنک باشلامه سی، قرق خفیف
هلال شکنده کورو نمسنه شرط قلمشدر که بوده علم
هینجه پک موافقددر. چونکه هلال تحصیل ایتنجه
یکی آی باشلاماش دیمکدر. فی الحقیقه، هلال اخیرک
تفصیله هلال اولک تحدتی، دها طوغریسی تام
اجتماع سفلا ایله رؤیت هلال آراسنده کجسی لازم
کلن بر زمان وارددر که مدتی همان همان یکر می یدی
ساعتدر. بناءً علیه اجتماع سفلا دن [ارضه نظراً
قر ایله شمسک بر جهته و عین استقامتده بولنه لرینه
دینور] آنجق یکر می یدی ساعت صکره
قرک هلال حالنده کوروله بیله جکی و بومدتدن اول
مشاهده سنک ممکن اوله مایه جنی آکلاشیلور. ایشته
شریعت غرائک رؤیت هلالی شرط قیلمسندگی
اک برنجی حکمت بلکه ده بودر. فقط مدت مذکور نك
مرورندن صکره هلال تحصیل ایتش بولنه جفتدن
هوا بولوطنی اولماق شرطیه رؤیت هلال هر وقت
ممکندر. یالکز اوافق بر دورینه غروب محالری
آراشدیر مق و بو ائشاده میل قره نظراً دورینی
اوجوارلرده دولاشدیر مق تأمین مقصد ایچون کافیدر.

اخبارات ریاضیه سیله عمل ایتک و هیج اولمزایسه دورین وتله سقوپلرله رؤیت هلالی قبول ایتک عقلأ ، منطقأ و شرعأ اوفق وانسیدر .

الیوم سرعی اولان اصوللره کوره ؛ رؤیت هلال وقوع بولمیشجه رمضان اعلان ایدیله میه جکی معلوم ایکن و مثلاً بروسه ده برکون اول رؤیت تحت امکانه کیرمش ایکن ، در سعادت کبی شهر مذ کوره پک یاقین بولنان بریده ده ایام رمضانک قطعاً ۳۱ اوله میه جکی نظر دفته آلمیه رق بایراملری اولسون توحید ایلام کلکمز ، و کتیر تیلمسی پک قولای اولان بر اعلام شرعی خصوصنده بیله مساحه منر آکلا شلماز غفلت لردن در . بن ؛ مدت حیاتمه بلکه یکر میدن فضله بایرام بیلورم که : بروسه دائماً برکون اول یامش ، فقط غفلت مذ کوره طولای بیسیله استانبول اها ایسی اوروج طوتمشدر . [*]

آقره خریطه دائره سی نیرنکی
شعبه سی مدیری ارکان حرب قائمقامی
عبد الرحمن

تصحیح : کچن نسخه ناک ۹۸ نجی صحیفه سنده «شمس جمآ ارضدن ۱۲۷۹ دفعه بیوک» ده نیلمش ابدی . حالبوکه ۱,۳۰۰,۰۰۰ دفعه اوله جقدر . او یولده تصحیح اولنسی قارعلریمزدن رجا اولنور .

علمای دین حقنده

اسلامیت ایله علاقه دار اولانلر ، عالم اسلامی تشکیل ایله ین مختلف اقوامک عرف و عاداتندن ، وضعیتدن خبردار اولمق ایسترلر . مع الاسف بوبابده کی معلوماً تمیز نقصان اولدیغندن اوروپا مستشرقلرینک تدقیق و تتبعاته مراجعت ایتک مجبور اولویوروز .

غرب آثارینک قسم اعظمی مسلمانلغی جرح ایتک

[*] المصاحبات الفلکیه فی الاشارات القرآنیه نام

اثر دن تاجیصاً

اگر صلاحیت دار مقام دینی بوبابده آلت رصدیه ایله رؤیت هلاله جواز ویررسه مسئله تماماً حل اولنه جکی کبی هله حسابات و ریاضیات فلکیه ناک اخبار اتی ده قبول ایلدیکی تقدیرده رؤیت هلال ضمنده شایان اسف اولان بی معنا غنغاته دخی قولایلقله وداع ایده بیلیرز .

ذاتاً پک قوی اولان قناعت مزه کوره ، رؤیت هلالدن مقصد شهر قرینک کیروب کیرمیدیکی آکلامق در . کوریلور که بوراده کی غایه حقیقیه هلالک رؤیتی دکل ، بلکه او واسطه ایله شهر صیامک دخولنه یقین کسب ایدیله سیدر . نته کیم تکمیل ثلثین اعتباریله رمضان اعلانی دخی بونی مؤیددر . چونکه بر شهر عربی ۳۱ کون اوله منر . ایشته هلال کورولمیدیکی حالده رمضان اعلانی ده کوستریو رکه غایه ، رؤیت هلال دکل ، بلکه دخول شهر عربینک قطعیتله بیلمسیدر .

مادام که مسئله بویله در ، شو حالده دخول شهر قرینک قطعیتله بیلمسی کافیدر . بوده رصدات و قوانین فلکیات ایله پک طوغری اوله رق ، حتی ثانیه سنه قدر تعیین اولنه بیلور . بن اوله ظن ایدیورم که رؤیت هلال مسئله سنده شریعت غرانک نقطه نظری ؛ ارضک نره سنده اولورسه اولسون مؤمن موحدی بر طاقم قیوداته باعلامیه رق و مثلاً شهر وقصبه لردن اوزاق یرلرده اقامت و یاسیاحت ایتدیکی اثنالرده هلالی کورونجه حال صیامه کیرمک وعین هلالی ایکنجی رؤیتده اوروجنی بوزارق کندی کندینه بایرام یایمق کبی خصوصانده تماماً سربست بولندیرمق کیفیتلریدر .

بومساعده ناک دخی نه درجه حریت پروانه اولدینی معلوم بولنقله برابر ؛ قاعده قطعیه اوله رق شهر وقصبه لر ایچون مقام شرعینک تلفرافله ویردیکی اصرایله رمضان اعلان ایتک تحت وجوبده در .

بناء علیه دخول شهر رمضان ایچون رصدخانه لرك